

Молитва святителю Нектарию Эгинскому Чудотворцу

О, мироточивая Главо, Святителю Нектарие, АрхиерЕю Божий! Во времена великаго отступления, нечЕстию мир пленившу, благочестием просиял еси и главУ прегОрдаго денницы, уязвляющаго нас, сокрушил еси. Сего ради дарова ти Христос врачевати язвы неисцельны, за беззакония наша нас поразившия. Веруем: возлюби тя Бог прАведнаго, да тебе ради нас, грешных, помилует, от клятвы разрешит, от недуг избавит, и по всей вселенней страшно и славно будет имя Его, Отца и Сына и Святаго Духа, ныне и присно и во веки веков. АМинь.

Молитва иная

О, Святителю Нектарие, отче Богомудрый! Приими, блюстителю веры православная, исповедание устен людей христоименитых, собранных днесь в храме благодатию Божию, в тебе живущю. Весть бо достиже до предел Российских, яко ты, великий во святых угодниче Христов, во всех концах вселенных призывающим имя твое являешься и от раковыя болезни исцеление даруеши.

Слышахом об иерее, тебе тезоименитом и храм во имя твое созидавшем, со скорбьми великими. Раковою убо язвою грудною поражен бе, крови на всяк день точащейся, и страждаше люте; дела же своего святого не оставляше.

Внезапу ты, Святителю многомилостиве, с небес ешед, ему во храме предстал еси в видимом образе. Он же, нещучя тя собрата, едина от смертных быти, прошаше молитв твоих и рече: «БолЯй есмь вельми, обаче хощу святый олтарь наздати, да поне единожды святую Литургию вкупе с прихожаны совершу; послежде н умрети готов есмь, смерть бо мя не страшит».

Ты же, отче, безплотен сый, слезами лице свое орошаше! и объем страдальца, лобызаше и глаголя: «Не тужи, чадо мое, яко, болезнию испытан, здрав будеши. Все убо о чудеси сем ведати имут». Он же, исцелен быв, абие разуме, с кем беседоваше, тебе невидиму бывшу.

О, великий угодниче Христов Нектарие! Храм оный свершен есть ныне и чудеса твои, аки море произливающееся, умножишася! Мы же познахом, яко молитве праведника должно поспешествующей быти усердием нашим к службе Божией и решимостию за Христа умирати, да здрави обрящемся. Молят тя, отче праведный, болящая чада твоя: да свершется с нами воля Божия, благая, угодная и совершенная, не хотящи смерти грешнику, но еже обратитися и живу быти ему.

Ты же, провозвестниче воли Божией, исцели ны благодатным явлением своим, да велик будет Бог на небеси и на земли во веки веков! Аминь.

Тропарь, глас 1

Силвирии Отрасль и Эгины хранителя, в последняя лета явльшагося, добродетели друга Искреннего, Нектария почтим в ернии, яко божественного служителя Христова: точит бо цельбы многоразличныя благочестно вопиющим: слава прославльшему тя Христу, слава давшему ти чудеса благодать, слава действующему тобою всем исцеления.

Святителю отче Нектарие, моли Бога о нас!